

摘藻堂四庫全書薈要

集部

欽定四庫全書薈要

集部

欽定全唐詩卷二十六

六

詳校官候補通哥經臣郭祚熾

欽定四庫全書薈要卷一萬七千四百三十一集部

御定全唐詩卷二十六

雜曲歌辭

古離別 沈佺期



東悠悠中有西行舟舟行有返棹水去無還流奈

何生別者戚戚懷遠遊遠遊誰當惜所悲會難收自君

間集作芳躡青陽四五道皓月掩蘭室光風虛蕙樓相

思無明晦長歎累冬秋離居分遲暮高駕何淹留

同前

孟雲卿

朝日上高臺，離人怨秋草。但見萬里天，不見萬里道。君

行本送

集作迢

遠苦樂良難保，宿昔夢同衾。憂心夢顛

集作

常頷倒含酸欲誰訴，轉轉傷懷抱結髮。年已遲，征行去何  
早寒暄，有時謝顛顛難再好。人皆算年壽，死者何曾老。  
少壯無見期，水深風浩浩。

同前

李益

雙劍欲別風

一作心

悽然雌沈水底，雄上天江迴。漢轉兩

不見雲交雨合知何年古來萬事皆由命何用臨歧苦  
涕漣

同前二首

于漬

入室少情意出門多路歧黃鶴有歸日蕩子無還時人  
誰無分命妾身何太奇君為東南風妾作西北枝青樓  
鄰里婦終年畫長眉自倚對良匹笑妾空羅幃

郎本東家兒妾本西家女對門中道間終謂無離阻豈  
知中道間遣作空閨主自是愛封侯非關備胡虜知子

金史口人卷二十六  
去從軍何處無良人

同前二首

李端

水國葉黃時洞庭霜落夜行舟聞商估宿在楓林下此  
地送君還茫茫似夢間後期知幾日前路轉多山巫峽  
通湘浦迢迢隔雲雨天晴見海檣月落聞津鼓人老自  
多愁水深難急流清宵歌一曲白首對汀洲

與君桂陽別令君岳陽待後事忽差池前期日空在木  
落鴈嗷嗷洞庭波浪高遠山雲似蓋極浦樹如毫朝發

能幾里暮來風又起如何兩處愁皆在孤舟裏昨夜天

月明長川寒且清菊花開欲盡薺菜拍

一作泊

來生下江

帆勢速五兩遙相逐欲問去時人知投何處宿空令猿

嘯時泣對湘潭

集作篔簹

竹

同前

王綰

下階欲離別相對映蘭叢含辭未及吐淚落蘭叢中  
高堂靜秋日羅衣飄暮風誰能待明月迴首見林空

同前

僧皎然

太湖三山口吳王在時道寂寞千載心無人見春草誰

堪

集作識

緘怨者持此傷懷抱孤舟畏狂風一點宿煙島

望所思兮若何月蕩漾兮空波雲離離兮北斷鴈

集作鴻

眇眇兮南多身去兮天畔心折兮湖岸春山胡為兮塞

路使我歸夢兮撩亂

同前

聶夷中

欲別牽郎衣問郎遊何處不恨歸日遲莫向臨邛去

同前二首

施肩吾



古人謾歌西飛燕十年不見狂夫面三更風作切夢刀  
萬轉愁成繫腸線所嗟不及牛女星一年一度得相見  
老母別愛子少妻送征郎血流既四面乃亦斷二腸不  
愁寒無衣不怕飢無糧惟恐征戰不還鄉母化為鬼妻  
為孀

同前

吳融

紫燕

集作鸞

黃鵠雖別離一舉千里何難追猶聞啼風與

叫月流連斷續令人悲賦情更有深繾綣碧甃千尋尚

為淺蟾蜍正向清夜流  
蛺蝶須教墮絲罥莫道斷絲不  
可續丹穴鳳皇膠不遠  
草草通流水不迴

集作莫道流水不迴波

海上兩潮長不返

古離別

王適

昔歲驚楊柳高樓悲獨守  
今年芳樹枝孤棲怨別離  
珠簾晝不卷羅幔曉長垂  
苦調琴先覺愁容鏡獨知  
頻來鴈度無消息罷去

集作却

鴛文何用織夜還羅帳空有情

春著裙腰自無力青軒桃李落紛紛  
紫庭蘭蕙日氛氲

已能顛顛今如此更復含情一待君

同前 常理

君御狐白裘妾居緗綺幃粟鈿金夾膝花錯玉搔頭離  
別生庭草征行斷戍樓蠨蛸網清曙菡萏落紅秋小膽  
空房怯長眉滿鏡愁為傳兒女意不用遠封侯

同前 姚係

涼風已嫋嫋露重木蘭枝獨上高樓望行人遠不知輕  
寒入洞戶明月滿秋池燕去鴻方至年年是別離

同前 張彪

離別無遠近事歡情亦悲不聞車輪聲後會將何時去  
日忘寄書來日乖前期縱知明當還一夕千萬思

同前 趙微明

違集作別未幾日一日如三秋猶疑望可見日日上高

樓惟見分手處白蘋滿芳洲寸心寧死別不忍生離愁

同前二首 孟郊

松山雲繚繞萍路水分離雲去有歸日水分無合時春

芳役雙眼春色柔  
四支楊柳識別愁  
千條萬條絲  
山川古今路縱橫  
無斷絕來往天地間  
人皆有離別行  
衣未束帶中腸已先結  
不用看鏡中自知生  
白髮欲陳  
去留意聲向言前  
咽愁結填心胸  
茫茫若為說  
荒郊煙  
莽蒼曠野風淒切  
處處得相隨  
人那不如月

同前 顧況

西江上風動麻姑嫁時浪  
西山為水水為塵  
不是人間  
離別人

同前

僧貫休

離恨如旨酒古今飲皆醉只恐長江水盡是兒女淚伊  
余非此輩送人空把臂他日再相逢清風動天地

同前

韋莊

晴煙漠漠柳毵毵不那離情酒半酣更把馬鞭雲外指  
斷腸春色在江南

生別離

孟雲卿

結髮生別離相思復相保何知集作如何日已久五變庭中

草眇眇天海途悠悠吳江島但恐不出門出門無遠道  
遠道行既難家貧衣服單嚴風吹積雪晨起鼻何酸人  
生各有戀

一作志

豈不懷所安分明天上日生死誓

集作願

同歡

同前

白居易

食蘄不易食梅難蘄能苦兮梅能酸未如生別之為難  
苦在心兮酸在肝晨鷄載鳴殘月沒征馬重

一作連

嘶行

人出迴看骨肉哭一聲梅酸蘄苦甘如蜜黃河水白黃

雲秋行人河邊相對愁天寒野曠何處宿棠梨葉戰風  
颼颼生離別生離別憂從中來無斷絕憂積一作極心勞  
血氣衰末年三十生白髮

遠別離

李白

遠別離古有皇英之二女乃在洞庭之南瀟湘之浦海  
水直下萬里深誰人不言此離苦日慘慘兮雲冥冥猩  
猩啼煙兮鬼嘯雨我縱言之將何補皇穹竊恐不照余  
之忠誠雷馮馮兮欲吼怒堯舜當之亦禪禹君失臣兮



龍為魚權歸臣兮鼠變虎或云

集作言

堯幽囚舜野死九

疑聯綿皆相似重瞳孤墳竟何是帝子泣兮綠雲間隨  
風波兮去無還慟哭兮遠望見蒼梧之深山蒼梧山崩  
湘水絕竹上之淚乃可滅

同前 張籍

蓮葉團團杏花拆長江鯉魚鰭鬣赤念君少年棄親戚  
千里萬里獨為客誰言遠別心不易天星墜地能為石  
幾時斷得城南陌勿使居人有行役

同前二首 令狐楚

楊柳黃金穗 梧桐碧玉枝 春來消息斷 早晚是歸時

集作

期

玳織鴛鴦履 金裝翡翠簪 畏人相問著 不擬到城

集作借問

南

久別離 李白

別來幾春未還家 玉窗五見櫻桃花 况有錦字書開緘

使人嗟至此 斷腸彼心絕 雲鬟綠一作霧鬢罷攬一作梳 結愁

如迴飈亂白雪去年寄書報陽臺今年寄書重相催胡

為東風

集作東風  
分東風

為我吹行雲使西來待來竟不來落

花寂寂

一作  
寞

委青苔

新別離 戴叔倫

手把杏花枝未曾別離黃昏掩閨後寂寞自心

集作  
心自

知

今別離 崔國輔

送別未能旋相望連水口船行欲映洲幾度急搖手

暗別離 劉氏瑤

槐花結子桐葉焦單飛越鳥唬青霄翠軒輾雲輕遙遙  
燕脂淚迸紅線條瑤草歇芳心耿耿玉佩無聲畫屏冷  
朱弦暗斷不見人風動花枝月中影青鸞脈脈西飛去  
海闊天高不知處

潛別離 白居易

不得哭潛別離不得語暗相思兩心之外無人知深籠  
夜瑣獨棲鳥利劍春斷連理枝河水雖濁有清日烏頭

雖黑有白時惟有潛離與暗別彼此甘心無後期

別離曲

張籍

行人結束出門去馬蹏幾時踏門路

集作幾時更踏門前路

憶昔

君初納綵時不言身屬遼陽戍早知今日當別離成君  
家計良為誰男兒生身自有役那得悞我少年時不如  
逐君征戰死誰能獨老空閨裏

同前

陸龜蒙

丈夫非無淚不灑離別間仗劍對尊酒恥為遊子顏蝮

蛇一螫手壯士疾

集作  
即

解腕所思在功名離別何足歎

西洲曲

溫庭筠  
一作西州詞

一

悠悠復悠悠昨日下西洲西洲風色好遙見武昌樓武  
昌何鬱鬱儂家定無匹小婦被流黃登樓撫瑤瑟朱弦  
繁復輕素手直淒清一彈三四解掩抑似含情南樓登  
且望西江廣復平艇子搖兩槳催過石頭城門前烏白  
樹慘澹天將曙鷓鴣一作鷓鴣飛復還郎隨早帆去迴頭語  
同伴定復負情儂去帆不安幅作抵使西風他日相尋

索莫作西洲客西洲人不歸春草年生碧

荊州樂

李白

白帝城邊足風波瞿塘五月誰敢過  
荊州麥熟繭成蛾  
縹絲憶君頭緒多撥穀飛鳴奈妾何

同前二首

劉禹錫

渚宮楊柳暗麥城朝雉飛可憐踏青伴  
乘暖著輕衣  
今日好南風商旅相催發沙頭檣竿上  
始見春江闊

荊州泊

李端

南樓西下時月裏聞來棹桂水舳舻回荊州津濟開移  
惟望星漢引帶思容貌今夜一江人惟應妾身覺

紀南歌 劉禹錫

風煙紀南城塵土荆門路天寒獵獸者一作多走上樊

姬墓

宜城歌 劉禹錫

野水遶空城行塵起孤驛花集作荒臺側生樹集作柏石碣

陽鐫額靡靡度行人溫風吹宿麥



長干曲四首 崔顥

君家定何處

集作何處住

妾住在橫塘停舟暫借問或恐是

同鄉

家臨九江水去來九江側同是長干人生小不相識  
下渚多風浪蓮舟漸覺稀那能不相待獨自逆潮歸  
三江潮水急五湖風浪湧由來花性輕莫畏蓮舟重

長干行二首 李白

妾髮初覆額折花門前劇郎騎竹馬來遶牀弄青梅同

居長千里兩小無嫌猜十四為君婦羞顏尚不一作未嘗開

低頭向暗壁千喚不一迴十五始展眉願同塵與灰常

存抱柱信豈一作恥上望夫臺十六君遠行瞿塘灩預堆

五月不可觸猿鳴一作聲天上哀門前遲一作舊行跡一一

生綠苔苔深不能掃落葉秋風早八月蝴蝶來雙飛西

園草感此傷妾心坐愁紅顏老早晚下三巴預將書報

家相迎不道遠直至長風沙

憶妾一作昔深閨裏煙塵不曾識嫁與長干人沙頭候風

色五月南風興思君在一作巴陵八月西風起想君發

揚子去來悲如何見少別離多湘潭幾日到妾夢越風

波昨夜狂風度吹折江頭樹森森暗無邊行人在何處

北客真王公朱衣滿江中日暮來投宿數朝不肯東集無

此四句好乘浮雲驄佳期蘭渚東鴛鴦綠浦上翡翠錦屏

中自憐十五餘顏色桃李紅那作商人婦愁水復愁風

同前 張潮

壻貧如珠玉壻富如埃塵貧時不忘舊富貴集作多寵

新妾本富家女與君為偶匹惠好一何深中門不曾出  
妾有繡衣裳歲蕤金縷光念君貧且賤易此從遠方遠  
方三千里發去悔不已集作思君心未已日暮情更來空望去  
時水孟夏麥始秀江上多南風商賈歸欲盡君今尚巴  
東巴東有巫山窈窕神女顏常恐遊此山集作方果然不  
知還

小長干曲 在國輔

月暗送湖潮集作風相尋路不通菱歌唱不輟知在此塘

中

杞梁妻

僧貫休

秦之無道兮四海枯  
築長城兮遮北胡  
築人築土一萬里  
杞梁貞婦嗚嗚上無父  
兮中無夫下無子  
兮孤復孤  
一號城崩塞色苦  
再號杞梁骨出土  
疲魂飢魄相逐  
歸陌上少年莫相非

盧女曲

崔顥

二月春來半宮中日漸長  
柳垂金屋暖花覆

集作發

玉樓

香拂匣先臨鏡調笙更炙簧還將盧女曲

集作歌  
舞態

夜夜

集作  
只擬奉君王

盧姬篇 崔顥

盧姬小

集作  
少

小魏王家綠鬢紅脣桃李花魏王綺樓十

二重水精簾箔繡芙蓉白玉闌千金作柱樓上朝朝學

歌舞前堂後堂羅袖人南窗北窗花發春翠幌珠簾鬪

弦

集作  
絲

管一奏一彈雲欲斷君王日晚下朝歸鳴環佩

玉生光輝人生今日得驕

集作  
嬌

貴誰道盧姬身細微

邯鄲才人嫁為廝養卒婦

李白

妾本叢臺女揚蛾入丹闕自倚顏如花寧知有凋歇一  
辭玉階下去若朝雲沒每憶邯鄲城深宮夢秋月君王  
不可見惆悵至明發

楊白花

柳宗元

楊白花風吹度江水坐令宮樹無顏色搖蕩春光千萬  
里茫茫曉日下長秋哀歌未斷城鷗起

茱萸女

萬楚

山陰柳家女九日采茱萸復得東鄰伴雙為陌上妹插

花向高髻結子置長裾作性恒

集作常

遲緩非關詫丈夫

平明折林樹

集作樾

日入反城隅俠客邀羅袖行人挑短

書蛾眉自有主年少莫踟躕

于闐采花

李白

于闐采花人自言花相似明妃一朝西入胡胡中美女  
多羞死乃知漢地多名姝胡中無花可方比丹青能令  
醜者妍無鹽翻在深宮裏自古妒蛾眉胡沙埋皓齒



秦女卷衣 李白

天子居未央妾侍

一作來

卷衣裳顧無紫宮寵敢拂黃金

牀水至亦不去熊來尚可當微身奉日月飄若螢火

集作

之光願君采葑菲無以下體妨

愛妾換馬

張祜

一面妖桃千里蹠嬌姿駿骨價應齊乍牽玉勒辭金棧  
催整花鈿出繡閨去日豈無霑袂泣歸時還有頓銜嘶  
嬋娟躑躅春風裏揮手揚鞭楊柳堤

綺閣香銷華旣空  
忍將行雨換追風  
休憐柳葉雙眉翠  
卻愛桃花兩耳紅  
侍宴永辭春色裏  
趨朝休立漏聲中  
恩勞未盡情先盡  
暗泣嘶風兩意同

枯魚過河泣

李白

白龍改常服  
偶被豫且制  
誰使爾為魚  
徒勞訴天帝  
作書報鯨鯢  
勿恃風濤勢  
濤落歸泥沙  
翻遭螻蟻噬  
萬乘慎出入  
柏人以為誠

一作識

飲酒樂

聶夷中  
調曲也

商

日月似有事一夜行一周草木猶須老人生得無愁一  
飲解百結再飲破百憂白髮欺貧賤不入醉人頭我願  
東海水盡向杯中流安得阮步兵同入醉鄉遊

王孫遊

崔國輔

自與王孫別頻看黃鳥飛應由春草誤著處不成歸

發白馬

李白

將軍發白馬旌節渡黃河簫鼓聒川嶽滄溟湧洪

一作濤

波武安有振瓦易水無寒歌鐵騎若雪山飲流涸滹沱

揚兵獵月窟轉戰畧朝那倚劔登燕然邊峰列嵯峨蕭  
條萬里外耕作五原多一掃清大漠包虎戩金戈

結韞子

李白

燕南壯士吳門豪筑中置鉛魚隱刀感君恩重許君命  
泰山一擲輕鴻毛

沐浴子

李白

沐芳莫彈冠浴蘭莫振衣處世忌太潔志

一作至

人貴藏

輝滄浪有釣叟吾與爾同歸

三臺二首

韋應物  
天  
寶中羽調曲

一年一年老去明日後日花開未報長安平定萬國豈  
得銜杯

冰泮寒塘始綠雨餘百草皆生朝來門閣無事晚下高  
齋有情

上皇三臺

韋應物

不寐倦長更披衣出戶行月寒秋竹冷風切夜窗聲

突厥三臺

鴈門山上鴈初飛  
馬邑關中馬正肥  
日旰山西逢驛使  
殷勤南北送征衣

宮中三臺二首

王建

魚藻池邊射鴨芙蓉園裏看花日  
色柘袍相似不著紅鸞扇遮

池北池南草綠殿前殿後花紅  
天子千年萬歲未央明月清風

江南三臺四首

王建

揚州橋邊小

集作少

婦長干市裏商人三

集作二

年不得消

息各自拜鬼求神

青草湖邊草色飛  
猿嶺上猿聲萬里三湘

集作湘江

客到有

風有雨人行

樹頭花落花開  
道上人去人來  
朝愁暮愁即老  
百年幾

度三臺

聞身彊

一作康

健且

一作早

為頭白齒落難追  
准擬百年千

歲能得幾許多時

築城曲

張籍築城曲以小鼓為節築者下杵以和之謂為睢陽曲唐書樂志曰睢陽

操用春牘是也

築城去

集作處

千人萬人齊抱

集作把

杵重重土堅試行錐

軍吏執鞭催作遲來時一年深磧裏著盡短衣渴無水

力盡不得拋

一作休

杵聲杵聲未定

集作盡

人皆死家家養

男當門戶今日作君城下土

同前五解

元稹

年年塞下丁長作出塞兵自從冒頓彊官築遮虜城

一解



築城須努力城高遮得賊但恐賊路多有城遮不得

解二

丁口傳父口莫問城堅不平城被虜圍漢斷城牆走

解三

因茲虜請

一作請休

和虜往騎來多

集作過

半疑兼半信築城

猶嗟城

四解

築城安敢煩願聽丁一言請築鴻臚寺兼愁

虜出關

五解

同前 陸龜蒙

城上一培土手中千萬杵築城畏不堅堅城在何處莫

歎築城勞

集作將軍逼

將軍要却敵城高功亦高爾命何處

一作足惜集作  
集作勞惜二首

湖陰曲

溫庭筠序曰晉王敦舉兵至湖陰明帝微行視其營伍由是樂府有湖陰曲

後其詞亡因作而附之

祖龍黃須珊瑚鞭鐵驄金面青連錢虎髯拔劍欲成夢  
日壓賊營如血鮮海旗風急驚眠起甲重光搖照湖水  
蒼黃追騎塵外歸森索妖星陣前死五陵愁碧春萋萋  
灞川玉馬空中嘶羽書如電入青瑣雪腕如槌催畫鞞  
白虬天子金煌鏑高臨帝座迴龍章吳波不動楚山晚

花壓闌干春晝長

無愁果有愁曲

李商隱 無愁曲北齊歌也  
天寶十三載改無愁為長歡

東有青龍西白虎中含福皇包世度玉壺渭水笑清潭  
鑿天不到牽牛處騏驎踏雲天馬獐牛山撼碎珊瑚聲  
秋娥點滴不成淚十二玉樓無故釘推煙唾月拋千里  
十番紅桐一行死白楊別屋鬼迷人空留暗記如蠶紙  
日暮向風牽短絲血凝血散今誰是

起夜來

施肩吾

香銷連理帶塵覆合歡杯嬾卧相思枕愁吟起夜來

起夜半

聶夷中

念遠心如燒不覺中夜起桃花帶露泛立在月明裏

獨不見

沈佺期

盧家小

集作少

婦鬱金堂海燕雙棲瑤瑁梁九月寒砧催

木葉十年征戍憶遼陽白狼河北音書斷丹鳳城南秋

夜長誰知

集作謂

含愁獨不見使妾

集作更教

明月照流黃

同前

王訓

日晚宜春暮風軟上林朝對酒近初節開樓蕩夜嬌

集作

話石橋通小澗竹路上青霄持底誰見許長愁成細腰

同前 楊巨源

東風艷陽色柳綠花如霰競理同心髮爭持合歡扇香  
傳賈娘手粉離何郎面最恨卷簾時含情獨不見

同前 李白

白馬誰家子黃龍邊塞兒天山三丈雪豈是遠行時春

蕙忽秋草莎鷄鳴曲

集作西

池風催寒梭響月入霜閨悲

憶與君別年種桃齊蛾眉桃今百餘尺花落成枯枝終  
然獨不見流淚空自知

同前

戴叔倫

前宮路非遠舊苑春將遍玉戶看早梅雕梁數歸

集作飛

燕身輕逐舞袖香暖傳歌扇自和秋風詞長侍昭陽殿  
誰信後庭人年年獨不見

同前

胡曾

玉關一自有氛埃年少從軍竟未回門外塵凝張樂榭

水邊香滅按歌臺  
窗殘夜月人何處  
簾卷春風燕復來  
萬里寂寥音信絕  
寸心爭恐不成灰

攜手曲

田娥

攜手共惜芳菲節  
鶯啼錦花滿城闕  
行樂逶迤念容色  
色衰祇恐君恩歇  
鳳笙龍管白日陰  
盈虧自感青天月

大垂手

聶夷中言舞而垂其手也

金刀翦輕雲盤用黃金縷  
裝束趙飛燕教來掌上舞  
舞罷飛燕死片片隨風去

夜夜曲

愁人夜獨傷滅燭卧蘭房祇恐多情月旋來照妾牀

同前

王偃

北斗星移銀漢低班姬愁思鳳城西青槐陌上人行絕  
明月樓前烏夜啼

同前

僧貫休

蟋蟀切切風騷騷芙蓉噴香蟾蜍高孤燈耿耿征婦勞  
更深撲落金錯刀



秋夜長 王勃

秋夜長殊未央月明白露澄清光層城綺閣遙相望遙

相望川無梁北風受節鴈南

集作南鴈

翔崇蘭委質時菊芳

鳴環曳履出長廊為君秋夜擣衣裳織羅對鳳皇丹綺

雙鴛鴦調砧亂杵思自傷思自傷征夫萬里戍他鄉鶴

關音信斷龍門道路長所

集作君

在天一方寒衣徒自香

同前 張籍

秋天如水夜未央天漢東西月色光愁人不寐畏枕席

暗蟲唧唧遶我傍  
荒城為村無更聲  
起看北斗天未明  
白露滿田風裊裊  
千聲萬聲鶻鳥鳴

秋夜曲二首

王建

天清漏長霜泊泊  
蘭綠收榮桂膏涸  
高樓雲鬢弄嬋娟  
古瑟暗斷秋風弦  
玉關遙隔萬里道  
金刀不翦雙淚泉  
香囊火死香氣少  
向惟合眼一作誰  
何時曉城烏作營

嘯野月秦川少婦生離別

秋燈向壁掩洞房  
良人此夜直明光  
天河悠悠漏水長

南樓北斗兩相當

同前 張仲素

丁丁漏水夜何長  
漫漫輕雲露月光  
秋壁閣蟲通夕響  
寒衣未寄莫飛霜

同前 王涯

桂魄初生秋露微  
輕羅已薄未更衣  
銀箏夜久殷勤弄  
心怯空房不忍歸

夜坐吟 李白

冬夜夜寒覺夜長沈吟久坐坐北堂冰合井泉月入閨

青缸凝明

缸一作金  
缸青凝

照悲唬青

一作金

缸滅唬轉多掩妾淚

聽君歌歌有聲妾有情情聲合兩無違一語不入意從  
君萬曲梁塵飛

同前 李白

踏踏馬頭

一作  
蹠

誰見過眼看北斗直天河西風羅幕生

翠波鉛華笑妾顰青蛾為君起唱

一作  
舞

長相思簾外嚴

霜昏倒飛明星爛爛東方陸紅霞稍出東南涯陸郎去

矣乘斑駁

夜寒吟

鮑溶

九衢金吾夜行行上宮玉漏遙分明霜飈乘陰掃地起  
旅鴻迷雪繞枕聲遠人歸夢既不成留家惜夜歡心發  
羅幕畫堂深皎潔蘭煙對酒客幾人獸火揚光二三月  
細腰楚姬絲竹間白紵長袖歌閒閒豈識苦寒損朱顏

定情篇

喬知之

共君結新婚歲寒心未卜相與遊春園各隨情所逐君

念菖蒲花妾感苦寒竹菖花多豔姿寒竹有貞葉此時

妾比君君心不如妾簪玉步河堤妖韶援綠箴集作鳧

鴈將子遊鶯燕從雙栖君念春光好妾向春光嗁君時

不得意妾棄集作葉妾還金閨結言本同心悲歡何未齊怨咽

前致辭願得中所悲人間丈夫易世路婦難為始經天

月照集作始如終若流星馳此下集有日月相終始流星無定期二句長信

佳麗人失意非蛾眉廬江小吏婦非關織作遲本願長

相對今已長相思復有遊宦子結援從梁陳燕居崇三

朝去來歷九春誓心妾終始蠶桑奉所親歸願未克從  
黃金贈路人潔婦懷明義從泛河之津於今千萬年誰  
當問水濱更憶倡家樓夫壻事封侯去時思

集作思

灼灼

去罷心悠悠不憐妾歲晏千載隴西頭以茲常惕惕百  
慮恒盈積由來共結禱幾人同匪石故歲雕梁燕雙去  
今來隻今日玉庭梅朝紅暮成碧碧榮始芬敷黃葉已  
漸澀何用念芳春芳春有流易何用重歡娛懽娛俄戚  
戚家本巫山陽歸去路何長叙言情未盡采葦已盈筐

桑榆日映物

集作及景

草

集作物

色盈高岡下有碧流水上有

丹桂香桂枝不須折碧流清且潔贈君比芳菲受惠常

不減

集作歌

贈君淚潺湲相思無斷絕妾有秦家鏡寶匣

裝珠璣鑑來年二八不記易陰暉妾無光寂寂委照影  
依依今日持為贈相識莫相違

定情樂

施肩吾

敢嗟君不憐自是命不諧著破三條裾

集作裾

卻還雙股

釵



春江曲

郭元振  
江巴女曲也  
春

江水春沈沈，上有雙竹林。  
竹葉壞水色，郎亦壞人心。

同前

張籍

春江無雲潮，水平蒲心出。  
水鳥雛鳴長，干夫壻愛遠行。  
自染春衣縫，已成妾身生。  
長金陵側，去年隨夫住江北。  
春來未到父母家，舟小風多渡不得。  
欲辭舅姑先問人，私向江頭祭水神。

同前

王涯

搖漾越江春相將看

集作采

白蘋歸時不覺夜出浦月隨

人

同前二首

張仲素

家寄征江

集作河

岸征人幾歲遊不知潮水信每日到沙

頭

乘曉南湖去參差疊浪橫前洲在何處霧

集作霜

裏鴈嚶

嚶

江上曲

李嘉祐

江上澹澹芙蓉花江口蛾眉獨浣紗可憐應是陽臺女

坐對鸕鷀嬌不語掩面羞看北地人回首

集作身

忽作空

山雨

集作語

蒼梧秋色不堪論千載依依帝子魂君看峯

上斑斑竹盡是湘妃泣淚痕

桃花曲 顧況

魏帝宮人舞鳳樓隋家天子泛龍舟  
君王夜醉春眠宴不覺桃花逐水流

樹中草

李白

鳥銜野田草誤入枯桑裏客土植危根逢春猶不死草  
木雖無情因依尚可生如何同枝葉各自有枯榮

同前

張祐

青青樹中草託根非不危草生樹卻死榮枯君可知

春遊吟

李章

初春遍芳甸千里靄盈矚美人摘新英步步玩春綠所  
思杳何處宛在吳江曲可憐不得共芳菲日暮歸來淚  
滿衣

春遊樂 施肩吾

一年三百六十日賞心那似春中物  
草迷曲塢花滿園  
東家少年西家出

同前二首 李端

遊童蘇合帶 集作彈 倡女蒲葵扇  
初日映城時相思忽相

見褰裳踏露草理鬢回花面薄  
暮不同歸留情此芳甸

柘彈連錢馬銀鈎妥墮鬟采 集作摘 桑春陌上踏草夕陽

間意合辭先露心誠貌卻閒  
明朝若相憶雲雨出巫山

春遊曲三首

張仲素

煙柳飛輕絮，風榆落小錢。  
濛濛百花裏，羅綺競鞦韆。

集作寄綫

來

行樂三春節，林花百和香。  
當年重意氣，先占鬪雞場。

樂府二首

劉言史

花領紅駿一向

集作何

偏綠槐香陌，欲朝天仍嫌衆裏嬌。

行疾傍銜深藏白玉鞭

噴珠

集作沫

團香小桂條玉鞭兼賜霍嫖姚  
弄影便從天

禁出碧蹠聲碎五門橋

同前 顧况

暖谷春光至宸遊近甸縈雲隨天仗轉風入御簾輕翠  
蓋浮佳氣朱樓倚太清朝臣冠劔退宮女管絃迎細草  
承雕輦繁花入幔城文房開聖藻武衛宿天營玉醴隨  
觴至銅壺逐漏行五星含土德萬姓徹中聲親祀先宗  
典躬推示勸耕國風新正樂農器近消兵道德關河固

刑章日月明野人同鳥獸率舞感升平

同前

權德輿

光風澹蕩百花吐樓上朝朝學歌舞身年二八墜侍中  
幼妹承恩兄尚主綠窗珠箔繡鴛鴦侍婢先焚百和香  
鶯囀日出不知曙寂寂羅幃春夢長

同前三首

孟郊

蓮子不可得荷花生水中猶勝道傍柳無事蕩春風  
綠萍與荷葉同此一水中風吹荷葉在綠萍西復東



蓮花未開時苦心終日卷春水  
一作徒蕩漾花未開  
展

同前 陸長源

芙蓉初出水 菡萏露中花  
風吹著枯木 無奈值空槎

雜曲 王勃

智瓊神女來訪文君蛾眉始約羅袖  
初薰歌齊曲韻舞  
亂行分集作紛若向陽臺薦枕何啻得勝朝雲

古曲五首 施肩吾

可憐江北女慣唱江南曲  
搖蕩木蘭舟雙鳧不成浴

卽為七上香妾為

集作  
作

籠上灰歸時雖

集作  
卽

暖熱去罷

生塵埃

夜裁鴛鴦綺朝織蒲桃綾  
欲試一寸心待縫三尺冰

憐時魚得水怨罷商與參  
不如山支子卻解

集作  
能

結同

心

紅顏感暮花白日同流水  
思君如

集作  
若

孤燈一夜一心

死

高句麗

李白 唐亦有高麗曲李勣破高麗所進後改夷賓引者是也

金花折風帽白馬小遲回翩翩舞廣袖似鳥海東來

摩多樓子

李賀

玉塞去金人二萬四千里風吹沙作雲一時渡遼水天  
白水如練甲絲雙串斷行行莫苦辛城月猶殘半曉氣  
朔煙上赳赳胡馬蹏行人聽水別隔隴長東西

御定全唐詩卷二十六

欽定四庫全書薈要卷一萬七千四百三十二集部

御定全唐詩卷二十七

雜曲歌辭

隋自開皇初置七部樂一曰西涼伎二曰清商伎三曰高麗伎四曰天竺伎五曰安

國伎六曰龜茲伎七曰文康伎至大業中乃立清樂西涼龜茲天竺康國疎勒安國高麗禮畢以為

九部唐武德初因隋舊制用九部樂太宗增高昌樂又造燕樂而去禮卑其著令者十部一曰燕樂

二曰清商三曰西涼四曰天竺五曰高麗六曰龜茲七曰安國八曰疎勒九曰高昌十曰康國而總

謂之燕樂凡燕樂諸曲始於武德貞觀盛於開元天寶其著錄者十四調二百二十二曲又有梨園

別教院法歌樂十一曲雲韶樂二十曲肅代以降亦有因造

遼東行 王建

遼東萬里遼水曲古戍無城復無屋黃雲蓋地雪作山  
不惜黃金買衣服戰回各自收弓箭正西回面家鄉遠  
年年郡縣送征人將與遼東作丘坂寧為草木鄉中生  
有身不向遼東行

渡遼水 王建

渡遼水此去咸陽五千里來時父母知隔生重著衣裳  
如送死亦有白骨歸咸陽營家各與題本鄉身在應無

回渡

一作渡遠

日駐馬相看遼水傍

昔昔鹽

趙嘏

隋薛道衡有昔昔鹽嘏廣之為二十章羽調曲唐亦為舞曲昔一作析

垂柳覆金堤

新年垂柳色嫋嫋對空閨不畏芳菲好自緣離別嗁因  
風飄玉戶向日映金堤驛使何時度還將贈隴西

蘼蕪葉復齊

提筐紅葉下度日采蘼蕪掬翠香盈袖看花憶故夫葉  
齊誰復見風暖恨偏孤一被春光累容顏與昔殊

水溢芙蓉沼

淥沼春光後，青青草色濃。  
綺羅驚翡翠，暗粉妒芙蓉。  
雲遍窗前見，荷翻鏡裏逢。  
將心託流水，終日渺無從。

花飛桃李蹊

遠期難可託，桃李自依依。  
花徑無容跡，戎裘未下機。  
隨風開又落，度日掃還飛。  
欲折枝枝贈，那知歸不歸。

采桑秦氏女

南陌采桑出，誰知妾姓秦。  
獨憐傾國貌，不負早鶯春。  
珠



履盪花濕龍鉤折桂新使君那駐馬自有侍中人

織錦竇家妻

當年誰不羨分作竇家妻錦字行行苦羅幃日日嗁豈  
知登隴遠祇恨下機迷直候陽關使殷勤寄海西

關山別蕩子

那堪聞蕩子迢遞涉關山腸為馬嘶斷衣從淚滴斑愁  
看塞上路詎惜鏡中顏儻見征西鴈應傳一字還

風月守空閨

良人猶遠戍耿耿夜闈空繡戶流宵月羅幃坐曉

其作晚

風魂飛沙帳北腸斷玉闕中尚自無消息錦衾那得同

恒歛千金笑

玉顏恒自歛羞出鏡臺前早感陽城客今悲華錦筵從  
軍人更遠投喜鵲空傳夫婿交河北迢迢路幾千

長垂雙玉唬

雙雙紅淚墮度日暗中唬鴈出居延北人猶遼海西向  
燈垂玉枕對月灑金閨不惜羅衣濕惟愁歸意迷

蟠龍隨鏡隱

驚鏡無由照蛾眉豈忍看不知愁髮換空見隱龍蟠那  
愜紅顏改偏傷白日殘今朝窺玉匣雙淚落闌干

綵鳳逐惟低

巧繡雙飛鳳朝朝伴下惟春花那見照暮色已頻欺欲  
卷思君處將嗁衰淚時何年征戍客傳語報佳期

驚魂同夜鵲

萬里無人見衆情難與論思君常入夢同鵲屢驚魂孤

寢紅羅帳雙嗁玉筋痕妾心甘自保豈復暫忘恩

倦寢聽晨雞

去去邊城騎愁眠掩夜閨披衣窺落月拭淚待鳴雞不  
憤連年別那堪長夜嗁功成應自恨早晚發遼西

暗牖懸蛛網

暗中蛛網織塵亂綺窗前萬里終無信一條徒自懸分  
從珠露滴愁見隙風牽妾意何聊賴看看劇斷弦

空梁落燕泥

春至今朝燕花時伴獨嘯飛斜珠箔隔語近畫梁低惟  
卷閒窺戶牀空暗落泥誰能長對此雙去復雙棲

前年過代北

代北幾千里前年又復經燕山雲自合胡塞草應青鐵  
馬喧鞞鼓蛾眉怨錦屏不知羌笛曲掩淚若為聽

今歲往遼西

萬里飛書至聞君已渡遼祇暗新別苦忘卻舊時嬌烽  
戍年將老紅顏日向彫胡沙兼漢苑相望幾迢迢

一去無還意

良人征絕域一去不言還  
百戰攻胡虜三冬阻玉關  
蕭蕭蕭邊馬思獵獵戍旗閒  
獨把千重恨連年未解顏

那能惜馬蹏

雲中路杳杳江畔草萋萋  
妾久垂珠淚君何惜馬蹏  
邊風悲曉角營月怨春輦  
未道休征戰愁眉又復低

水調歌第一

水調商調曲也唐曲凡十一疊前五疊為歌後六疊為入破又有新

水調亦

商調曲

平沙落日大荒西  
隴上明星高復低  
孤山幾處看烽火

壯

一作戰

士連營候鼓鼙

第二

猛將闖西意氣多  
能騎駿馬弄琱戈  
金鞍寶鉸精神出  
笛倚新翻水調歌

第三

王孫別上綠珠輪  
不羨名公樂此身  
戶外碧潭春洗馬  
樓前紅燭夜迎人

第四

隴頭一段氣長秋舉目蕭條總是愁  
祇為征人多下淚  
年年添作斷腸流

第五

雙帶仍分影同心巧結香不應  
須換彩意欲媚濃妝

入破第一

細草河邊一鴈飛黃龍關裏挂戎衣  
為受明王恩寵甚  
從事經年不復歸



第二

錦城絲管日紛紛半入江風半入雲  
此曲只應天上有人間能得幾回聞

第三

昨夜遙歡出建章今朝綴賞度昭陽  
傳聲莫閉黃金屋為報先開白玉堂

第四

日晚笳聲咽戍樓隴雲漫漫水東流  
行人萬里向西去

滿目闕山空

一作無

恨一作自

愁

第五

千年一遇聖明朝願對君王舞細腰乍可當熊任生死  
誰能伴鳳上一作入雲霄

第六徹

閨燭無人影羅屏有夢魂近來音耗絕終日望君門

水調

吳融

鑿河千里走黃沙浮集作沙

殿西來動日華可道新聲是

亡國且貪惆悵後庭花

堂堂

李義府 堂堂角調曲本  
陳後主所作唐為法曲

鏤月成歌扇裁雲作舞衣自憐回雪影好取洛川歸  
嬾正鴛鴦被羞塞瑤瑁牀春風別有意密處也尋香

同前

李賀

堂堂復堂堂紅脫梅灰

集作花

香

一作紅熟  
海梅香

十年粉蠹生

畫梁饑蟲不食推碎黃蕙花已老桃葉長禁院懸簾隔

御光華清源中畧石湯裛回百

一作白

鳳隨君王

# 涼州歌第一

涼州宮調曲開元中西涼府都督郭知運進本在正宮調中有大遍

小遍至貞元初康崑崙翻入琵琶玉宸宮調初進曲在玉宸殿故有此名合諸樂即黃鍾宮調也段和尚善琵琶自制西涼州後傳康崑崙即道調涼州亦謂之新涼州

漢家宮裏柳如絲  
上苑桃花連碧池  
聖壽已傳千歲酒  
天文更賞百僚詩

## 第二

朔風吹葉鴈門秋  
萬里煙塵昏戍樓  
征馬長思青海北  
胡笳夜聽隴山頭

第三

開篋淚霑襦見君前日書夜臺空寂寞猶見

一作是

紫雲

車

排遍第一

三秋陌上早霜飛羽獵平田淺草齊錦背蒼鷹初出按  
五花驄馬餵來肥

第二

鴛鴦殿裏笙歌起翡翠樓前出舞人喚上紫微三五夕

聖明方壽一千春

京州詞

耿緯

國使翩翩

集作翻翻

隨旆旌隴西岐路足荒城  
旣表牧馬胡

離小日暮蕃歌三兩聲

同前

張籍

邊城暮雨鴈飛低  
蘆筍初生漸欲齊  
無數鈴聲遙過磧  
應馱白練到安西

古鎮城門白磧開  
胡兵往往傍沙堆  
巡邊使客行應早

每待集作平安火到集作來

問

無使

鳳林關裏水東流  
白草黃榆六十秋  
邊將皆承主恩澤  
無人解道取涼州

同前

薛逢

昨夜蕃兵報國讐  
沙州都護破涼州  
黃河九曲今歸漢  
塞外縱橫戰血流

太和第一

太和羽  
調曲也

國門卿相舊山莊  
聖主移來宴綠芳  
簾外輾為車馬路

花間踏出舞人場

第二

國鳥尚含天樂轉  
寒風猶帶御衣香  
為報碧潭明月夜  
會須留賞待君王

第三

庭前鵲遶相思樹  
井上鶯歌爭刺桐  
含情少婦悲春草  
多是良人學轉蓬

第四



塞北江南共一家何須淚落怨黃沙春酒半酣千日醉

庭前

一作  
邊庭

還有落梅花

第五徹

我皇膺運太平年四海朝宗會百川自古幾多明聖主  
不如今帝勝堯天

伊州歌第一

伊州商調曲西涼  
節度蓋嘉運所進

秋風明月獨離居蕩子從戎十載餘征人去日殷勤屬  
歸鴈來時數寄書

第二

彤闈曉闕萬鞍迴  
玉輅春遊薄晚開  
渭北清光搖草樹  
州南嘉景入樓臺

第三

聞道黃花戍頻年  
不解兵可憐  
閨裏月偏照漢家營

第四

千里東歸客無心  
憶舊遊挂帆游  
白水高枕到青州

第五

桂殿江鳥對彫屏  
海燕重祗應多釀酒  
醉罷樂高鐘

八破第一

千門今夜曉初晴  
萬里天河徹帝京  
璨璨繁星駕秋色  
稜稜霜氣韻鐘聲

第二

長安二月柳依依  
西出流沙路漸微  
闕氏山上春光少  
相府庭邊驛使稀

第三

三秋大漠冷溪山八月嚴霜變草顏  
卷旆風行宵渡磧  
銜枚電掃曉應還

第四

行樂三陽早芳菲二月春  
閨中紅粉態陌上看花人

第五

君住孤山下煙深夜徑長  
轅門渡綠水遊苑遶垂楊

陸州歌第一

分野中峰變陰晴衆壑殊  
欲投人處宿隔浦問樵夫

第二

共得煙霞徑東歸山水遊蕭蕭望林夜寂寂坐中秋

第三

香氣傳空滿妝花映薄紅歌聲天仗外舞態御樓中

排遍第一

樹發花如錦鶯嗁柳若絲更逢歡宴地愁見別離時

第二

明月照秋葉西風響夜砧彊言徒自亂往事不堪尋

第三

坐對銀缸曉停留玉筋痕君門常不見無處謝前恩

第四

曙月當窗滿征人出塞遙畫樓終日閉清

一作  
絲

管為誰

調

簇拍陸州

西去輪臺萬里餘故鄉音耗日應疎隴山鸚鵡能言語  
為報閨人數寄書

石州

尚調曲也又  
有舞石州

自從君去遠  
巡邊終日羅  
悵獨自眠  
看花情轉切  
攬鏡  
淚如泉  
一自離君後  
嗟多雙臉穿  
何時狂虜滅  
免得更  
留連

蓋羅絳

秦時明月漢時關  
萬里征人尚未還  
但願龍庭神

一作  
飛

將在不教胡馬渡陰山  
音書杜絕白狼西  
桃李無顏黃鳥嗟  
寒鴈春深歸去盡

出門腸斷草萋萋

雙帶子

私言切語誰人會  
海燕雙飛繞畫梁  
君學秋胡不相識  
妾亦無心去采桑

崑崙子

楊子譚經去淮王  
載酒過醉來  
嗥鳥喚一作換坐久落花

多

祓禊曲

漢宮三月上巳張樂於流水晉宋已後皆因之至唐傳以為曲



昨見春條綠那知秋葉黃蟬聲猶未斷寒一作塞鴈已成  
行

金谷園中柳春來已

一作白  
一作學

舞腰那堪好風景獨上洛陽橋

何處堪愁思花間長樂宮君王不重客泣淚向春

一作東

風

上巳樂

張祐

猩猩血絲繫頭標天上齊聲舉畫橈卻是內人爭意切

六宮羅

集作紅

袖一時招

穆護砂

穆護砂  
曲犯角

玉管朝朝弄清歌日日新折花當驛路寄與隴頭人

思歸樂

商調曲也後  
一曲犯角

晚日催弦管春風入綺羅杏花如有意偏落舞衫多  
萬里春應盡三江鴈亦稀連天漢水廣孤客未言歸

金殿樂

入夜秋砧動千門起四鄰不緣樓上月應為隴頭人

胡渭州

商調  
曲

亭亭孤月照行舟  
寂寂長江萬里流  
鄉國不知何處是  
雲山漫漫使人愁

楊柳千尋色  
桃花一苑芳  
風吹入簾裏  
惟有惹衣香

戎渾

風勁角弓鳴  
將軍獵渭城  
草枯鷹眼疾  
雪盡馬蹏輕

牆頭花

蟋蟀鳴洞房  
梧桐落金井  
為君裁舞衣  
天寒剪刀冷  
妾有羅衣裳  
秦王在時作  
為舞春風多  
秋來不堪著

采桑

羽調曲一云本清商西曲又有楊下采桑

自古多征戰由來尚甲兵長驅千里去一舉兩蕃平  
按劍從沙漠歌謠滿帝京寄言天下將須立武功名

楊下採桑

飛絲惹綠塵軟葉對孤輪今朝入園去物色彊看人

破陣樂

本商調舞曲太宗所造明皇作小破陣樂亦舞曲也第一曲失撰人名後二曲

張說作

秋來四面足風沙塞外征人暫別家千里不辭行路遠

時光早晚到天涯

漢兵出頓金微照日明光

集作  
光明

鐵衣百里火幡焰焰千

行雲騎駢駢

集作  
霏霏

蹙踏遼河自竭鼓噪燕山可飛正屬

四方朝賀端知萬舞皇威

少年膽氣凌雲共許驍雄出羣匹馬城南

集作  
西

挑戰單

刀薊北從軍一鼓鮮卑送款五餌單于解紛誓言欲成名

報國羞將開口

集作  
閣

論勳

### 戰勝樂

百戰得功名天兵意氣生三邊永不戰此是我皇英

劍南臣

不分君恩斷觀妝視鏡中容華尚春日嬌愛已秋風枕  
席臨窗曉屏惟對月空年年後庭樹芳悴在深宮

征步郎

塞外虜塵飛頻年度磧西死生隨玉劍辛苦向金微

歡疆場

宮調  
曲

聞道行人至妝梳對鏡臺淚痕猶尚在笑靨自然開

塞姑

昨日盧梅塞口整見諸人鎮守都護三年不歸折盡江  
邊楊柳

水鼓子

雕弓白羽獵初回薄夜牛羊復下來夢水河邊秋草合  
黑山峯外陣雲開

婆羅門

商調曲開元中西涼府節度楊敬  
述進天寶十三年改為霓裳羽衣

迴樂峰前沙似雪受降城外月如霜不知何處吹蘆管

一夜征人盡望鄉

浣沙女

南陌春風早東鄰去日斜  
千花開瑞錦香撲美人車  
長樂青門外宜春小苑東  
樓開萬戶上人向百花中

鎮西

天邊物色更無春  
祇有羊羣與馬羣  
誰家營裏吹羌笛  
哀怨教人不忍聞

歲去年來拜聖朝  
更無山闕對溪橋  
九門楊柳渾無半



猶自千條與萬條

回紇

商調  
曲

曾聞翰海使難通  
幽閨少婦罷裁縫  
緬想邊庭征戰苦  
誰能對鏡治愁容  
久戍人將老  
須臾變作白頭翁

長命女

羽調  
曲

雲送闕西雨風傳渭北秋  
孤燈然客夢寒杵擣鄉愁

醉公子

昨日春園飲今朝倒接羅  
誰人扶上馬不省下樓時

一片子

柳色青山映梨花雪鳥藏綠窗桃李下閒坐歎春芳

甘州

羽調  
曲

欲使傳消息空書意不任寄君明月鏡偏照故人心

濮陽女

羽調  
曲

鴈來書不至月照獨眠房賤妾多愁思不堪秋夜長

相府蓮

王儉為相所辟皆才名之士時號蓮幕  
其後語訛為想夫憐羽調曲又有簇拍

相府

蓮

夜聞鄰婦泣切切有餘哀即問緣何事征人戰未

一作骨

迴

簇拍相府蓮

莫以今時寵寧無舊日恩看花滿眼淚不共楚王言閨  
燭無人影羅屏有夢魂近來音耗絕終日望應門

離別難

武后朝有士人陷冤獄其妻配入掖庭善吹感粟撰此曲以寄情初名大郎神

益取良人第行也既畏人知遂三易其名曰悲切子終號愁回鶻

此別難重陳花深復變人來時梅覆雪去日柳含春物

卷二十七  
候催行客歸途淑氣新  
剡川今已遠魂夢暗相親

同前 白居易

綠楊陌上送行人  
馬去車回一望塵  
不覺別時紅淚盡  
歸來無淚可霑巾

山鷓鴣 羽調

玉關征戍久空閨  
人獨愁寒露溼青苔  
別來蓬鬢秋  
人坐青樓晚鶯語  
百花時愁多人自老  
腸斷君不知

鷓鴣詞 李益

湘江斑竹枝錦翼鷓鴣飛處處湘陰合郎從何處歸

同前 李涉

湘江煙水深沙岸隔楓林何處鷓鴣飛日斜斑竹陰二

女虛

集作空

垂淚三閭柱自沈惟有鷓鴣鳥獨傷行客心

越岡連越井越鳥更南飛何處鷓鴣嗥夕煙東嶺歸嶺

頭

集作外

行人少天涯北客稀鷓鴣嗥別處相對淚霑衣

樂世

白居易 一曰綠腰即錄要也貞元中樂工進曲德宗令錄出要者因以為名後語

訛為綠腰軟舞曲也康崑崙嘗於琵琶彈一曲即新翻羽調綠腰又有急樂

管急絲

集作  
弦

繁拍漸稠綠腰宛轉曲終頭誠知樂世聲

聲樂老病人聽未免愁

急世樂

白居易

正抽碧線繡紅羅忽聽黃鶯歛翠蛾秋思冬愁春恨

集作

張望大都不得意時多

何滿子

白居易 開元中滄州歌者臨刑進  
此曲以贖死竟不得免亦舞曲也

世傳滿子是人名臨就刑時曲始成一曲四詞

集作  
調

歌

八疊從頭便是斷腸聲

同前

薛逢

繫馬宮槐老持杯店菊黃故交今不見流恨滿川光

清平調

李白 唐禮樂志曰清調平調房中樂遺聲開元中禁中重木芍藥會花方繁

開帝乘照夜白太真妃以步輦從李龜年以歌檀一時之名帝曰貴名花對妃子馬用舊樂辭為遂命李白作清平調詞三章令梨園弟子畧撫絲竹以從歌帝自調玉笛以倚曲

雲想衣裳花想容春風拂檻露華濃若非羣玉山頭見  
會向瑤臺月下逢

一枝紅

集作稜

豔露凝香雲雨巫山枉斷腸借問漢宮誰

得似可憐飛燕倚新妝

名花傾國兩相歡長得君王帶笑看  
解釋春風無限恨

沈香亭北倚闌干

回波樂

李景伯 商調曲 蓋出於曲水引流泛觴中宗宴侍臣令各為回波樂衆皆為

諂佞之辭及自要榮位次至諫議大夫李景伯乃歌此辭後亦為舞曲

回波爾時酒卮微臣職在箴規侍宴既過三爵誼諱竊  
恐非儀

聖明樂

張仲素 開元中太常樂工馬順兒造又有大聖明樂並商調曲



玉帛殊方至歌鍾比屋聞  
華夷今一貫同賀聖明君  
九陌祥煙合千春瑞月明  
宮花將苑柳先發鳳皇城

同前

令狐楚

海浪恬丹徼邊塵靖黑山  
從今萬里外不復鎮蕭關

大酺樂

商調  
曲

淚滴珠難盡容殘玉易銷  
儻隨明月去莫道夢魂遙

同前

杜審言

聖后乘乾日皇明御歷辰  
紫宮初啟坐蒼壁正臨春雷

雨垂膏澤金錢賜下人詔酺歡賞徧交泰覩惟新

毘陵震澤九州通士女歡娛萬國同伐鼓撞鐘驚海上

新妝袿服照江東梅花落處疑殘雪柳葉開時任好風

大集作火德不集作雲官逢道泰天長地久屬年豐

同前 張祐

車駕東來值太平大酺三日洛陽城小兒一伎竿頭絕  
天下傳呼萬歲聲

紫陌酺歸日欲斜紅塵開路薛王家雙鬢集作笑前說樓

前鼓兩伎爭輪好結花

千秋樂

張祜 開元十七年八月癸亥明皇誕日宴百僚於花萼樓下百僚表請以每

年八月五日

為千秋節

八月平時花萼樓萬方同樂奏千秋傾城人看長竿出一伎初成趙解愁

火鳳辭

李百藥 羽調 曲又有真火鳳

歌聲扇裏

集作 後

出妝影扇

集作 鏡

中輕未能令掩笑何處

欲郭聲知音自不感得念是分明莫見雙嚙斂疑人含

笑情

佳人靚晚妝清唱動蘭房影入

集作出

含風扇聲飛照日梁

嬌頰眉際斂逸韻口中香自有橫陳分

集作會

應憐秋夜長

熱戲樂

張祐凡戲輒分兩朋以競勇謂之熱戲

熱戲爭心劇火燒銅槌暗執不相饒上皇失喜寧王笑  
百尺幢竿果動搖

春鶯轉

張祐大春鶯轉又有小春鶯轉並商調曲

興慶池南柳未開太真先把一枝梅內人已唱春鶯轉

花下傚傚軟舞來

達摩支

溫庭筠天寶十三載改達摩支為泛蘭叢羽調曲一曰健舞曲也

擣麝成塵香不滅  
拘蓮作寸絲難絕  
紅淚文姬洛水春  
白頭蘇武天山雪  
君不見無愁高緯花  
漫漫漳浦宴餘  
清露寒一旦臣僚  
共囚虜欲吹羌管  
先汎瀾舊臣頭鬢  
霜華一作雪  
早可惜雄心醉中  
老萬古春歸夢不  
歸鄴城  
風雨連天草

如意娘

商調曲則  
天皇后作

看朱成碧思紛紛憔悴支離為憶君不信比來長下淚  
開箱驗取石榴裙

雨霖鈴

張祜明皇幸蜀南入斜谷屬霖雨彌旬於棧道中間鈴聲與山相應因采其

聲為雨霖鈴曲時獨梨園善感粟工張徽從至蜀以其曲授之後入法部

雨霖鈴夜卻歸秦猶是

集作見

張徽一曲新長說上皇垂

淚教月明南內更無人

桂花曲

可憐天上桂花孤試問姮娥更要無月宮幸有閒田地

何不中央種兩株

渭城曲

王維 渭城一曰陽關本送人使安西詩後遂被於歌

渭城朝雨浥輕塵  
客舍青青柳色新  
集作楊柳  
春勸君更盡一

杯酒西出陽關無故人

御定全唐詩卷二十七




謹案卷二十七第七頁前二行此曲只應天上有  
刊本有訛去據原集改

第十一頁前六行伊州歌刊本州訛川據別本改  
第十四頁前六行但願龍庭神將在據龍標集願  
作使庭作城

第十四頁前八行寒鴈春深歸去盡刊本鴈訛烏  
據龍標集改





總校官庶吉士 臣 張能照

校對官檢討 臣 龔大萬

膳錄監生 臣 杜 成

膳錄監生 臣 樊少 巨